

ხელშეკრულება

(ანგარიშის გახსნის და საბანკო ოპერაციების წარმოების შესახებ)

ქ. ახალქალაქი

5 იანვარი 2015წელი

ერთის მხრივ, სს "პრივატბანკი" (შემდგომში "ბანკი") წარმოდგენილი მისი ახალქალაქის ს/ცენტრის უფროსის არტურ შირინიანის სახით და მეორეს მხრივ ა(ა)იპ "ახალქალაქის მხარეთმცოდნეობის მუზეუმი"-ს(შემდგომში "კლიენტი") წარმოდგენილი მისი სედა ჰამბარიანის სახით ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1. ბანკი კლიენტს კანონმდებლობით გათვალისწინებული აუცილებელი დოკუმენტაციის წარგენის შემდეგ, დადგენილი წესით უხსნის ანგარიშს, აწარმოებს მის საბანკო ოპერაციებს და გაუწევს მას საბანკო მომსახურებას წინამდებარე ხელშეკრულებით გათვალისწინებული პირობებითა და წესით.

1.2. საბანკო მომსახურების ტარიფები განსაზღვრულია დანართი №1-ით, რომელიც წარმოადგენს ამ ხელშეკრულების განუყოფელ ნაწილს.

2. მხარეთა უფლება-მოვალეობანი

2.1 ბანკი ვალდებულია:

2.1.1. კლიენტის მიერ წარმოდგენილი ინფორმაციის საფუძველზე, დროულად და მოქმედი კანონმდებლობით გათვალისწინებული წესით აწარმოოს საბანკო ოპერაციები.

2.1.2. კლიენტის დავალებით და კანონმდებლობით გათვალისწინებულ შემთხვევაში, მისი დავალების გარეშე, განახორციელოს თანხების ჩამოწერა კლიენტის ანგარიში/ანგარიშებიდან, კრედიტორების ანგარიშებზე მათ ჩასარიცხად.

2.1.3. კლიენტის მოთხოვნით მიაწოდოს მას ამონაწერი მისი საბანკო ანგარიშიდან ან/და ნებისმიერი სხვა ინფორმაცია მისი ანგარიშის და ანგარიშზე განხორციელებულ ოპერაციების შესახებ.

2.1.4. განახორციელოს ანგარიშზე/ანგარიშებზე სხვა ოპერაციები საქართველოს კანონმდებლობისა და ნორმატიული აქტების შესაბამისად.

2.2. ბანკს უფლება აქვს:

2.2.1. კანონმდებლობის მოთხოვნათა დაცვით, მოსთხოვოს კლიენტს მის ანგარიშზე ოპერაციების განხორციელების ეკონომიკური დასაბუთება და მასთან დაკავშირებული ნებისმიერი სახის ინფორმაციის და დოკუმენტის წარმოდგენა.

2.2.2. დროებით გამოიყენოს კლიენტის ანგარიშზე არსებული ფულადი სახსრები საკრედიტო რესურსის სახით.

2.2.3. შეცვალოს ხელშეკრულებით გათვალისწინებული და დანართ1-ში მითითებული ტარიფები, აღნიშნული შესახებ ბანკი კლიენტს უგზავნის წერილობით შეტყობინებას, კლიენტი ვალდებულია წერილობითი შეტყობინების მიღებიდან 10 (ათი) კალენდარული დღის განმავლობაში შეატყობინოს ბანკს თავისი პოზიციის შესახებ ტარიფების ცვლილებაზე, აღნიშნულ ვადაში პოზიციის არ დაფიქსირების შემთხვევაში ცვლილება შედის ძალაში, ხოლო უარის შემთხვევაში ბანკი იტოვებს უფლებას შეწყვიტოს წინამდებარე ხელშეკრულება;

2.2.4. კლიენტის მიერ ხელშეკრულებით გათვალისწინებული ვალდებულებების შეუსრულებლობის ან არაჯეროვნად შესრულების შემთხვევაში შეწყვიტოს წინამდებარე ხელშეკრულება.

2.2.5. კლიენტის ანგარიშიდან უაქცეპტო წესით ჩამოწეროს საბანკო მომსახურებისათვის შეთანხმებული ტარიფები, ბანკის წინაშე არსებული ნებისმიერი დავალიანების თანხები, ბანკის მიერ შეცდომით ჩარიცხული თანხები, აგრეთვე საქართველოს კანონმდებლობით განსაზღვრული გადასახადები. ამასთან ამ თანხების ჩამოწერა შესაძლებელია კლიენტის ნებისმიერი ანგარიშიდან სხვადასხვა ვალუტაში, კონვერტაციის საჭიროებისას კონვერტაცია განახორციელოს ბანკის მიერ დადგენილი კურსით.

2.2.6. შეაჩეროს ან/და არ განახორციელოს უკანონო საბანკო ოპერაციები.

2.3. კლიენტი ვალდებულია:

2.3.1. მომსახურების გაწევისთვის გადაუხადოს ბანკს საკომისიო წინამდებარე ხელშეკრულების დანართი №1 -ით დადგენილი ტარიფების და ხელშეკრულების პირობების შესაბამისად.

2.3.2. განაცხადის შევსების სისწორეზე და მასში მითითებული ნებისმიერი ინფორმაციის ცვლილების შემთხვევაში აცნობოს ბანკს წერილობით, ცვლილების განხორციელებიდან ხუთი დღის ვადაში. აღნიშნული ცვლილების ბანკისათვის შეუტყობინებლობის შემთხვევაში მიყენებული ზიანზე პასუხი აგოს საქართველოს კანონმდებლობით გათვალისწინებული წესით.

2.3.3. ყოველი ახალი ანგარიშის მოთხოვნასთან ერთად ბანკს წარუდგინოს ახალი ანგარიშის გასახსნელად კანონმდებლობით განსაზღვრული დოკუმენტები.

2.3.4. ანგარიშზე/ანგარიშებზე თანხის შეცდომით ჩარიცხვის შემთხვევაში აღნიშნული ფაქტის დადგენიდან ორი საბანკო დღის განმავლობაში გადმორიცხოს შეცდომით ჩარიცხული თანხები, ხოლო მათი გამოყენების შემთხვევაში გადაუხადოს ბანკს ჯარიმა გამოყენებული თანხის 0.5 %-ის ოდენობით მისი სარგებლობის თითოეული დღისათვის.

2.3.5. საბრუნავი საშუალებების აკუმულირება ძირითადად განახორციელოს სს "პრივატბანკში".

2.3.6. კლიენტი იღებს ვალდებულებას ჩართოს თავისი თანამშრომლები ბანკის სახელფასო პროექტში და ხელშეკრულების მოქმედების განმავლობაში ისარგებლოს მხოლოდ სს "პრივატბანკის" სახელფასო პროექტით.

2.3.7 ბანკის წერილობითი თანხმობის გარეშე არ დართოს ნება სახელფასო პროგრამაში მონაწილე თანამშრომლებს სხვა ბანკის სახელფასო ბარათის დამზადების და შესაბამისად არ განახორციელოს თანამშრომლის კუთვნილი ხელფასის სხვა ბანკის საბარათე ან მიმდინარე ანგარიშზე ჩარიცხვა (ან ნაღდი ფულის სახით გაცემა)

2.4. კლიენტს უფლება აქვს:

2.4.1. მისცეს ბანკს დავალებები ანგარიშზე/ანგარიშებზე ოპერაციების საწარმოებლად მხოლოდ კანონმდებლობით განსაზღვრული უფლებამოსილების ფარგლებში.

2.4.2 ისარგებლოს ბანკის მიერ შეთავაზებული დამატებითი მომსახურების სახეებით.

3. ანგარიშზე განხორციელებული ოპერაციები:

3.1. კლიენტის ანგარიშზე ფულადი სახსრების ჩარიცხვა შეიძლება განხორციელდეს როგორც ნაღდი ისე უნაღდო წესით. კანონმდებლობით დადგენილი წესის დაცვით.

3.2. ბანკი უზრუნველყოფს კლიენტის ანგარიშზე შემოსული თანხების ჩარიცხვას და კლიენტის ანგარიშიდან თანხების გადარიცხვას არაუგვიანეს 1 (ერთი) სამუშაო დღისა.

3.3. ბანკი უფლებამოსილია არ შეასრულოს კლიენტის დავალება და დავალების შეუსრულებლობისათვის მისთვის მისაღები ფორმით შეატყობინოს კლიენტის იმ შემთხვევაში თუ:

- ა) ვერ ხერხდება კლიენტის იდენტიფიკაცია
- ბ) დავალება შედგენილი და წარმოდგერნილია ბანკში და კანონმდებლობით დადგენილი წესის დარღვევით ან შეიცავს არაზუსტ ინფორმაციას.
- გ) დავალებაში აღნიშნული თანხა აღემატება ანგარიშზე კლიენტის არსებულ ხელმისაწვდომ თანხას ან ბანკის მიერ დადგენილ ლიმიტებს.

4. მხარეთა პასუხისმგებლობა

4.1. ბანკი პასუხისმგებელია კლიენტის წინაშე მოქმედი კანონმდებლობის შესაბამისად ანგარიშებზე საბანკო ოპერაციების სწორად და დროულად შესრულებისათვის.

4.2. მომსახურების განხორციელების დაყოვნებისათვის ბანკს არ ეკისრება პასუხისმგებლობა, თუ ეს მისი მიზეზით არ არის გამოწვეული. ან გამოწვეულია კლიენტის მიერ ბანკისათვის არასწორის ინფორმაციის და/ან არასწორის ინფორმაციის შემცველი დოკუმენტის გადაცემით.

4.3. ამ ხელშეკრულების პირობების მიუხედავად, ბანკი არ იქნება პასუხისმგებელი კლიენტის წინაშე ისეთ ზარალზე ან ზიანზე, რომელიც არაპირდაპირ წარმოიშვა საბანკო მომსახურებასთან დაკავშირებით.

4.4. გადმორიცხულია ბანკის პასუხისმგებლობა მოგების, ბიზნესის, შემოსავლის ან დაგეგმილი დანაზოგების დაკარგვაზე, რომელიც დაკავშირებულია ხელშეკრულებაში განსაზღვრულ საბანკო მომსახურებებთან.

4.5. კლიენტი პასუხისმგებელია ანგარიშის გასახსნელად და მასზე ოპერაციების საწარმოებლად წარმოდგენილი ინფორმაციის და დოკუმენტების სისწორესა და უტყუარობაზე.

4.6. მხარეები თავისუფლდებიან პასუხისმგებლობისგან ხელშეკრულებით ნაკისრი ვალდებულების შეუსრულებლობის გამო, თუ ეს გარემოებები გამოწვეულია დაუძლეველი ძალის ზემოქმედებით (წყალდიდობა, მიწისძვრა, ხანძარი, გაფიცვა, ბლოკადა, სამხედრო მოქმედება, მასობრივი არეულობა, სახელმწიფო ორგანოების აქტი ან ქმედება და სხვა.). ფორსმაჟორული გარემოების დადგენისას მხარე რომელიც აღნიშნული გარემოების გამო ვერ ახერხებს ხელშეკრულებით ნაკისრი ვალდებულების შესრულებას. ვალდებულია დაუყოვნებლივ შეატყობინოს ამის შესახებ მეორემხარეს. მხარეების მიერ ხელშეკრულებით ნაკისრი ვალდებულების შესრულება გადაიდება ფორს-მაჟორული გარემოების ლიკვიდაციამდე.

4.7. ამ მუხლში აღნიშნული პირობები ძალაში რჩება საბანკო მომსახურების შეწყვეტის შემთხვევაში, სანამ მხარეები ერთმანეთის წინაშე ბოლომდე არ შეასრულებენ ხელშეკრულებიდან წარმოშობილ ვალდებულებებს.

4.8. კლიენტი ბანკს წინამდებარე ხელშეკრულების ვადაზე ადრე ცალხრივად შეწყვეტის შემთხვევაში ჯარიმის სახით ერთჯერადად უხდის თანხას 5000 (ხუთი ათასი) ლარის ოდენობით და თითოეულ სახელფასო პროექტის ფარგლებში გაცემულ ბარათზე 10 ლარის ოდენობით.

5. მხარეთა განცხადებები და გარანტიები

5.1. წინამდებარე ხელშეკრულებით გათვალისწინებული ოპერაცი(ებ)ის შესრულებით არ დაირღვევა სხვა ხელშეკრულებ(ებ)ის პირობები ან კლიენტის სხვა ვალდებულებ(ებ)ი (ასეთის არსებობის შემთხვევაში) ან რაიმე სახის

კანონი, დებულება, წესი, განკარგულება, სასამართლოს გადაწყვეტილება, ბრძანება, მითითება, სასამართლო დადგენილება ან სახელმწიფოს ან/და მარეგულირებელი ორგანოს სასამართლო ან საარბიტრაჟო ორგანოს მიერ დაწესებული რაიმე შეზღუდვა.

5.2. კლიენტი არ მონაწილეობს.. სასამართლო პროცესში, რომელმაც შედეგად შესაძლოა უარყოფითი გავლენა მის ფინანსურ მდგომარეობასა ან საქმიანობაზე.

5.3. კლიენტი დაუყოვნებლივ წერილობით აცნობებს ბანკს ასეთი გარემოებების შესახებ. რომელმაც შეიძლება გამოიწვიოს ამ ხელშეკრულებით ნაკისრი ვალდებულებების შეუსრულებლობა.

5.4. აღნიშნული განცხადებების დარღვევის შემთხვევაში რითაც არ იზღუდება ბანკის უფლება მოითხოვს ზიანის ანაზღაურებას. რომლიც გამოწვეულია განცხადებების დარღვევით თუ კლიენტი ვერ შეძლებს ამ დარღვევის აღმოფხვრას დარღვევის შესახებ შეტყობინების მიღებიდან 10 (ათი) საბანკო დღის განმავლობაში კლიენტი თანახმაა ბანკს აუნაზღაუროს და დაიცვას ბანკი ნებისმიერი ზარალისგან.

6. კონფიდენციალურობა

6.1. მხარეები ვალდებული არიან გაუფრთხილდნენ ერთმანეთის რეპუტაცია დაიცვან ერთმანეთის შესახებ ინფორმაციის პირობების საიდუმლოება. გარდა წინამდებარე ხელშეკრულებით ან მოქმედი კანონმდებლობით გათვალისწინებული შემთხვევებისა.

6.2. კლიენტის ანგარიშის სათანადოდ ადმინისტრირების და მომსახურების მიზნით, ბანკს უფლება აქვს ყოველგვარი შეზღუდვის გარეშე მიიღოს ინფორმაცია კლიენტის მიერ განხორციელებული ოპერაციების შესახებ.

6.3. ბანკს უფლება აქვს, რაზედაც კლიენტი აცხადებს უპირობო თანხმობას. გამოიყენოს ინფორმაცია კლიენტის მიერ საბანკო მომსახურებით სარგებლობის შესახებ და გადასცეს აღნიშნული ინფორმაცია ბანკის შვილობილ და მონათესავე საწარმოებს მათ მიერ სხვადასხვა მომსახურების შეთავაზებების მიზნით აღნიშნული ინფორმაცია ბანკის მიერ მოპოვებული იქნება სხვადასხვა წყაროებიდან. რაც ყოველგვარი შეზღუდვის გარეშე მოიცავს კლიენტის მიერ შევსებულ განაცხად(ებ)ს. კლიენტის მიერ განხორციელებულ საბანკო ოპერაციებს, გამოკითხვებს და კვლევებს და ასევე სხვა გარე წყაროებიდან მიღებულ ინფორმაციას.

7. დავების გადაწყვეტის წესი

7.1. მხარეთა შორის წინამდებარე ხელშეკრულებიდან გამომდინარე დავები უნდა გადაწყდეს ურთიერთმოლაპარაკების საფუძველზე, შეუთანხმებლობის შემთხვევაში, მხარეებს შორის ნებისმიერი დავა, მათ შორის წინამდებარე ხელშეკრულების მოშლასთან, შეწყვეტასთან ან ბათილობასთან დაკავშირებით, დავა განიხილება საქართველოს კანონმდებლობის შესაბამისად, სასამართლოს მიერ.

8. ხელშეკრულების მოქმედების ვადა.:

8.1 წინამდებარე ხელშეკრულება ძალაში შედის მისი ხელმოწერის დღიდან და მოქმედებს ერთი წლის ვადით.

8.2. ხელშეკრულების ვადა ავტომატურად გაგრძელებულად ითვლება შემდგომი 1 წლის ვადით, თუ არცერთი მხარეთაგანი ხელშეკრულების ვადის ამოწურვამდე ერთი თვით ადრე წერილობით არ განაცხადებს მისი მოშლის ან პირობების ცვლილებების შესახებ.

9. ხელშეკრულების შეწყვეტა და ანგარიშის დახურვა

9.1. ხელშეკრულება შეიძლება შეწყდეს:

ა) მხარეთა შეთანხმებით ნებისმიერ დროს

ბ) რომელიმე მხარის მიერ ცალმხრივად, მეორე მხარისთვის არანაკლებ წინასწარ 10 (ათი) საბანკო დღით ადრე წერილობითი შეტყობინების გაგზავნის შემდეგ.

გ) ბანკის მიერ ცალმხრივად, კლიენტის მიერ ხელშეკრულებით ნაკისრი ნებისმიერი ვალდებულების დარღვევის შემთხვევაში.

დ) მოქმედი კანონმდებლობით გათვალისწინებულ სხვა შემთხვევაში.

9.2. ხელშეკრულების ნებისმიერი საფუძვლით შეწყვეტისას კლიენტის ანგარიშები დაიხურება, ხოლო მასზე არსებული ნაშთი (ასეთის არსებობისას) ბანკის საკომისიოს და წინამდებარე ხელშეკრულებით გათვალისწინებული სხვა გადასახდელების გამოკლებით ექვემდებარება კლიენტისთვის დაბრუნებას.

10. დასკვნითი დებულებები

10.1. საკითხები რომელიც არ არის რეგულირებული წინამდებარე ხელშეკრულებით წყდება მოქმედი კანონმდებლობის შესაბამისად.

10.2. ბანკის წინასწარი შეტყობინების გარეშე კლიენტი უპირობოდ აცხადებს თანხმობას, რომ ბანკს ნებისმიერ დროს შეუძლია დაუთმოს, გაყიდოს ან გადასცეს წინამდებარე პირობებით განსაზღვრული უფლებები, მოვალეობები და სარგებელი სხვა მესამე პირს.

10.3. თუ წინამდებარე ხელშეკრულების რომელიმე პუნქტი ან მისი ნაწილი რაიმე მიზეზით იქნა გაუქმებული, ბათილად ცნობილი ან შეწყვეტილი აღნიშნული პუნქტი ან მისი ნაწილი აღარ იქნება გამოყენებული რაც არ იქონიებს გავლენას ხელშეკრულების დანარჩენი პირობების იურიდიულ ძალაზე.

10.4. კლიენტის მიერ ბანკიდან ელექტრონული სახით მიღებულ ნებისმიერ შეტყობინებას აქვს წერილობითი ფორმით მიღებული შეტყობინების ძალა. ბანკი არ არის პასუხისმგებელი კლიენტის მიერ შეტყობინების მიუღებლობაზე, თუკი იგი გაგზავნილი იქნა იმ მისამართზე ან იმ საკონტაქტო მონაცემების საფუძველზე, რომელიც კლიენტის მიერ წინასწარ არის მითითებული.

10.5. ბანკის მიერ საკუთარი უფლებების განხორციელების გადავადება არ იშნავს იმას, რომ ბანკი უარს ამბობს თავის უფლებებზე; აგრეთვე ნებისმიერი უფლების ნაწილობრივ ან სრულად გამოუყენებლობა არ ნიშნავს მომავალში ამ უფლების სრულად გამოყენების შეზღუდვას.

10.6. წინამდებარე ხელშეკრულების ყველა დანართი წარმოადგენს ამ ხელშეკრულების განუყოფელი ნაწილს.

10.7. ხელშეკრულება სავალდებულო იქნება და შესაბამისი იურიდიული ძალა ენიჭება მხარეების შესაბამისი მეგვადრეების და უფლებამონაცვლეების მიმართ.

10.8. მხარეთა მიერ ამ ხელშეკრულების შესრულების ადგილად მიჩნეულია ბანკის მისამართი.

10.9. ხელშეკრულება შედგენილია ორ თანაბარი იურიდიული ძალის მქონე ეგზემპლარად, რომლის ერთი პირი ინახება ბანკში, ხოლო მეორე გადაეცემა კლიენტს.

ბანკი

კლიენტი

სს"პრივატბანკი"

ა(ა)იპ "ახალქალაქის მხარეთმცოდნეობის მუზეუმი"

ს/კ **203838678**

ს/კ 223366319

მისამართი

მისამართი

ქ.ახალქალაქი თავისუფლების ქ,4

ქ. ახალქალაქი, ცეტკინის ქ.2

ა.შირინიან

ს. ჰამბარიან

გ.ს.მ.

გ.ს.მ.